

So dan von wircklichkeit aller Coniunction in sonderhait/
nach vil vngewitter der trübnussen yetz die eingende jar über
vns komende verhandē seind/ vn̄ auß der Cōiunction Satur-
ni vnd Martis am neüntē tag Apulis nächst verschinen/im
xiiij. grad der Zwiling bey dem Mon/ jr giffst zūhauffbracht/
also das sich diser Comett auß solcher vnn̄d andern vsachen
erhept/vnd auch daruoꝝ der boßhafftig aller haderey anhen-
gig Mars/ dem Joue gwaltig für sein aygne behausung gles-
gert vnn̄d trüßlich entgegen gesetzt/ sampt bedeutung diß ers-
schinen erschrockenlichen Cometten/volgt hernach.

Wie ich den Cometten von Michaelis biß auff heütt/ alle
morgen/vmb drey vier fünff vꝝ bey hellem himel/im auffgang
der Sonnen selbs gesehen /vnd nach meinem klainen vermü-
gen/schwaches verstandts abgenommen / so ist er vnder dem
zaichen Leon in Elementen gestanden/vnd sich wunderbar-
licher bewegung braucht/hin vnn̄d wider/auff vnd ab/vnn̄d
den schwantz allweg von der Sonnen gestreckt / vnn̄d nach
maynung Leupoldi vn̄ Hali abenragel/ so bedeyt er/bald ans-
fahende krieg/vnn̄d groß blütuergiessen / gegen auffgang der
Sonnen/groß mächtiger Herren kriegs rüstung / von ainem
Künigreych inn das ander/ von ainem Land inn das ander/
von ainer Statt in die andern / vsacht sein wunderbarliche
bewegung. So dann der Leo die Türcken bezaychnet / vnn̄d
dem Saturno/ der Türcken Patron entsetzung seines gwalts
zū nahet/so vrtaylich auß diser hochloblichen kunst (doch ans-
dern vrtayl vnuergriffen) das nach bey außgeendem jar/vnd
ettliche jar darnach inn sonderhait die würckung des erschro-
ckenlichen Cometten/über die Türckischen Orientische Land
geen werd / die selben mitt heers macht durch zogen/ zerstört/
verhört/verprendt / vnn̄d die Türcken grausamlich erwirgen
vnd erschlagen vnd gefangē nemen/ das sy Christū verlauga-
nen vnd sein volck vnd gefatz verschmähen/wie zū den zeyten
des Türckischen Kayfers Pazaiten / der liederlich gar nach
das ganz Thraciam on Constantinopel vnn̄d Peram / aber